

遵義府志卷四十一

年紀三

國朝

世祖章帝順治元年流賊張獻忠陷全川惟遵義保境自守

甲申六月獻忠陷重慶八月率眾三十萬陷成都

全川鼎沸獨遵義為王祥所守紫江志

獻忠僭號大西國王改元大順據有全蜀惟遵義

一郡及黎州土司堅不下明史流賊傳通鑑輯覽書獻忠僭號在十一月

遵義府志卷四十一 年紀三

獻忠聲言邊郡新附免其三年租賦蠻人貪賊財

物往往弭首羈縻全川惟遵義一郡不下獻忠侈

然有帝蜀之心矣後寇紀畧

明以其前大學士王應熊為兵部尚書督師駐遵

義討蜀寇

八月明以前大學士王應熊為兵部尚書督師專

討蜀寇起前寧夏巡撫樊一蘅為兵部侍郎總督

川陝軍務時張獻忠已據全蜀惟遵義保境自守

應熊與一蘅避其地命應熊督師一蘅總督軍務

討之又遣御史米壽圖巡按四川命吏部簡堪任

監司守令者從壽圖西行應熊等乃編素誓師開

幕府傳檄諸郡舊將會師大舉會巡撫馬乾復重

慶副將朱化龍等復龍安茂州一蘅乃起舊將甘

良臣為總統合參將楊展等所攜潰卒得三萬人

尋復敘州而副將會英連敗賊軍聲大振亦受一

蘅節制其他據城奉征調者洪雅則曹勛范文光

松茂則詹天顏夔萬則譚宏譚詣一蘅遂移駐納

溪與應熊會瀘州檄諸路刻期並進獻忠頗懼本注

事皆在明年通鑑輯覽

二年明閣部王應熊專辦蜀寇駐劄遵義督師命總

遵義府志卷四十一 年紀三

兵曾英李占春等分兵鎮防重慶外禦流寇內捍遵

疆蜀東賴之陳志

二年冬明閣部王應熊至其各官謁見雖大權在

握而呼應不靈遂至遵義與王祥會紫江志

三年王祥以兵趨成都

祥勇悍著聞為九園子隘官守遵義賊不敢窺至

是進兵討賊蜀志

四年春正月流賊餘黨孫可望等陷遵義

三年十二月我

大清兵至順慶流賊張獻忠伏誅其偽將軍孫可望李定

國劉文秀艾能奇偽都督白文選馮雙禮等俱潰

走川南時故明川中諸將競擁兵自固本注督師

應熊及王祥在遵義巡撫馬乾副將曾英在重慶

監軍副使范文光及曹勛在洪雅監軍余事詹天

顏在松茂譚宏譚詣在夔萬兵部侍郎總督川陝

軍務樊一藩在納溪居中調度與應熊會瀘州赴

進期並重慶曾英兵敗死于江賊遂陷綦江督師大

學士王應熊退走永寧山中本注尋病卒踰月賊

陷遵義入貴州境通鑑

獻忠敗死可望與其黨李定國劉文秀艾能奇白

文選等率眾竄入川南襲重慶陷綦江及遵義復

由遵義入據貴陽貳臣

遵義府志

卷四十一

一年紀三

三

獻忠據蜀僭號以延安人孫可望為軍師已而疑

之乃以為平東將軍而以李定國為安西將軍劉

文秀為撫南將軍艾能奇為定北將軍陰制之獻

忠戮蜀人幾盡次及其兵將可望等懼值肅王至

保寧獻忠中流矢死遂率眾奔貴州破遵義入據

貴陽官民避去賊四路搜捕箐洞殺掠無算貴州

可望入遵在正月十二日楊明吾

正月初四日老神仙先至遵義鄉城聞待可望至

即行屠哭聲震天死者滿野顯單騎遁服夜入

城見老神仙老神仙素囊顯名約不屠居近三

十里蓋顯曰軍師知大西王所以敗乎屠戮太甚

無人與守故使軍師今日至此今四川止存一遵

義若再屠軍師及大將軍無進退地矣老神仙曰

誓如公言欲羈蓋顯曰老夫耄矣今皇帝中

興之主軍師誠能與大將軍匡復社稷他日垂名

史冊稱中興將相前日作賊之非賴此以掩願軍

師無忘老夫此言老神仙垂頭歎息蓋顯已持

雙劍出門呼壯士持馬矣自此可望所過民皆安

堵至貴州即稱臣於今皇帝皆蓋顯此言悟之昭孔

遵義府志

卷四十一

一年紀三

四

初獻賊據全川惟憚遵義王祥賊誅可望等東走

大兵追至重慶以餉盡還遂陷遵義竄雲南綦江

三月我

大清兵西征至遵義孫可望聞風屠貴陽城遁去

大軍旋引還保寧貴州

丁亥固山額真李取遵義雷總兵柏承馥巡道董

顯忠撫之旋以孤軍還保寧陳志其志云我兵

駐重賊陷遵義入貴州

大兵追至重慶故明巡撫馬乾敗死遂入遵義以餉乏旋

師王祥等因復取保寧二郡故明總督侍郎樊一

衛再駐江上為復窺全蜀計乃列上善後事宜加

諸將功狀于桂王由榔由榔拜一衛戶兵二部尙

書加太子太傅祥等進爵有差

通鑑輯覽

肅王豪格射獻忠墜馬死其養子孫可望李定國

劉文秀艾能奇等收敗卒奔重慶四年可望等自

綦江奔遵義三桂偕肅王入川分兵徇地下重慶

及遵義可望由黔入滇賊眾雖走川中兵四起最

強如楊展王祥李占春余大海袁韜武大定曾公

子等各有眾數萬擁兵聚餉互相聯絡我師亦以

川中殘破北還順慶三桂仍駐漢中

劉健庭聞錄

遵義府志

卷四十一

年紀三

五

八月肅親王豪格奏分兵征勦遵義夔州等處川

寇悉平

蔣之駿東華錄

四年三月初八日肅王李固山入遵殺賈譚二家

兵馬百姓剝首歸服追孫可望至黔命董道顯忠

柏將軍永馥鎮防招安

楊明吾譜序

按貴州通志云可望屠貴陽遁去畱偽總兵柏

永馥巡道董顯忠守之今以陳志及楊氏譜序

考之永馥顯忠乃肅王還師畱以鎮防遵義招

安貴陽者而冠以可望之偽通志大謬

十月明桂王由榔命將王祥復據遵義

八月十二日忠國公王祥奉永歷命相度遵土又

招安免死牛票上銀六兩大糧每兩納穀八石十

三里各分總攝時值兵荒頻仍饑餓死於巖穴者

相枕藉無人收瘞米斗

當是升字

銀三兩五錢蕎麥每

斗價銀十三兩如珠如王盡為兵獲民不堪命戊

子巳丑民存皮骨

楊明吾譜序

丁亥十月故明將王祥率兵數萬至遵復據之分

土分民驕兵索餉士民苦之

陳志

八月明永明王大學士堵允錫走永順土司尋赴貴

陽抵遵義乞師於皮熊王祥

明史九錫傳以大兵破武岡寶慶常德辰沅故

遵義府志

卷四十一

年紀三

六

冬姚黃賊餘黨增

袁韜寇綏陽志

按姚黃即姚天動黃龍皆川賊起明崇禎間巡

撫陳士奇勦滅之袁韜者沔人因姦婦事發逃

投响馬繼姚黃為賊獻賊入成都乘勢據蓬州

儀隴南郡諸地數年間烏合愈眾分為十二大

隊順治五年

大清四川巡撫李國英偵知韜等連營遂寧之曠羅垣欲

犯保寧乘乏食急擊大敗之時川中諸賊或稱

四家或稱十三家輒外尚有武大定等十餘人

七年偽秦王將白文選取遵義遂進攻嘉定

大定降文選後投誠

本朝見明史蜀碧及四川通志又考綦江志云順治五

年姚黃餘黨袁韜武大定等十三家賊出入巴

渠巫夔間突從南川綦江取道出杜市珞璣市

沿江一路搜殺雞犬無遺又云五年正月初三

日姚黃餘黨忽從南川路來綦搜殺如洗以人

爲糧斗米三十金無買處於是羣虎白日出遊

下城樓闕破殘人戶四野荒涼據此韜等搜殺

綦江在五年正月初以綏陽志書四年冬寇綏

互按之必于是冬先由正安入至綏陽以至綦

遵義府志

卷四十一

年紀三

七

江其行道時日皆相契斯時遵郡東北州縣之

慘亦必有如綦志所云者

六年王祥於遵義發種招耕

春王祥於綦江置劉楊塢卽思灘塢立三莊設官

自遵義發牛種招耕難民多往應佃其時虎狼之

害愈虐行者雖五七同羣執器械前後中間必有

一失是年孫可望等已得雲南與劉文秀白文選

李定國俱臣服桂王要求封秦晉諸王號

呂大器欲遍觀川中諸將以察其能否入遵義王

祥具囊韉迎甚恭呂知其無能爲太息謂乾德及

監軍道陳計長曰袁武忍而好殺祥尤庸懦不足

蜀事尙可爲乎一日于石碛司夜遁走入黔之獨

山州鬱鬱疽發背卒

紀略

七年孫可望使白文選攻遵義殺王祥

秋九月孫可望由雲南東襲貴州匡國公皮熊走

清浪衛追執奪其兵又遣白文選攻破遵義忠國

公王祥自刎降其眾二十餘萬張先壁馬進忠皆

歸於可望勢益強

通鑑

袁韜嘗欲取遵義攻王祥破之已而祥招烏合六

七萬分爲三十六鎮勢復張識者固知其不足用

遵義府志

卷四十一

年紀三

八

平東之再自滇以出也遵義其首難祥一戰於烏

江河而大潰尋被殺

紀略

庚寅冬可望出師破貴陽定番侯兵於貴筑北攻

遵義忠國公王祥自刎死遂復有黔中之地

考

庚寅九月十二日秦王孫可望在黔發兵搶遵敵

殺忠國公王祥追至羅桿台王師潰敗秦王遣張

扈衛復招土民穿棕衣紙幾番湯火可憐已極條

銀變輸穀米其計二石有餘又有皇草皇柴折價

至黔中上納所徵條銀十兩幫補義兵一名器械

銀五十餘兩不敢不從一切六畜五穀絲麻之類

無隙可逃楊明吾譜

十月僞秦王孫可望遣將王自奇率兵逐王祥據

遵祥兵潰勢窮刎於真州之鳳凰山陳志

九月劉文秀白文選以兵至烏江王祥力戰不勝

自刎死文秀降其眾二十萬盡取遵義地初獻賊

入蜀畏祥不敢窺遵義前後拒守凡八年至是敗

死聞者惜之時已進爵綦江伯蜀志

九月孫可望在滇遣其將劉文秀白文選馬寶等

取遵義牧王祥於烏江祥敗自刎三十六軍將軍

亦逃散文選降其眾二十萬盡收遵義綴草志

遵義府志 卷四十一 年紀三 九

九月孫可望在滇遣兵圖蜀劉文秀白文選以兵

至烏江王祥戰不勝遂自刎其眾二十萬盡降祥

死遠近紛亂十一月出綦江至重慶旋復還遵義

是月下河李鶴子名占春來綦搶掠名曰打糧會

孫可望兵招安趕至白渡將人物搶回綦志

按輯覽綦志蜀碧並言王祥死烏江陳志獨云

真州鳳凰山楊氏譜序又云羅桿台考羅桿台

在今正安州南或書作羅簡台楊序記所目擊

與陳志真州合當得其實

遵開八年辛卯僞秦王孫可望遣裨將田子祿守遵

設局暴徵酷法殘民復陷水火陳志

按今府城東府學署即子祿設錢局處居民猶

能道之掘土往往獲永歷錢

九年壬辰夏孫可望遣白文選等由遵義出重慶會

劉文秀馮雙禮等於嘉定以圖成都綦江志

夏五月定南王孔有德率輕兵出河池向貴州以

大軍駐柳州接應孫可望乃謀入犯使李定國馮雙禮由

黎平出靖州馬進忠由鎮遠出沅州會於武岡以

圖桂林劉文秀張先璧由永寧出敘州白文選由

遵義出重慶會於嘉定以圖成都可望言於由榔

遵義府志 卷四十一 年紀二 十

封定國西寧王文秀南康王定國進攻靖沅武岡

俱陷之有德還守桂林通鑑

七年文選攻遵義九年五月文選由遵義出重慶

以圖成都傳

十三年丙申時遠近傳有抹臉魔夢中面皮忽失去

如剝男女夜圍坐不敢寐無故自驚是年故明桂王

尙差官丈田畝綦江志

按通鑑輯覽是年春二月李定國走安隆以桂

王由榔奔雲南

十四年丁酉故明桂王由榔遣將李定國討僞秦王

孫可望敗於交水設官遵土

陳志

九月孫可望叛桂王與晉王李定國交攻可望大敗走長沙乞降于我

大清仍請兵攻桂王

纂注

可望本獻忠餘孽既乃臣事桂

王邀求爵命而又稱兵挾制反戈相向及為李定國所敗始以窮蹙來歸實為險賊之尤

通鑑輯覽本注

十五年六月我

大清兵克遵義

蜀師至三坡劉正國拒戰大敗自水西奔回雲南

大兵遂克遵義

通鑑輯覽

遵義府志

卷四十一 年紀三

十一

戊戌夏五月固山額真侯墨李恢復遵義題委道

府縣各官撫輯殘黎草除苛政民困始甦

陳志

歲在己亥民難已滿

大清平西王李固山入遵平治一應差賦悉還其舊

楊明吾譜

序

十五年春吳三桂請南征初孫可望詣經略洪承

疇降入都封義王具言雲南可取狀三桂欲自以

為功上疏曰孫李治兵相攻今可望投誠歸化變

亂之際人心未定大兵宜速進貴州報可乃分兵

三路中路經略洪承疇信郡王鐸尼由湖廣入東

路征南將軍趙布太固山線國安由廣西入西路

三桂由四川入二月二十五日三桂發兵漢中三

月四日至合州四月三日至重慶二十五日至三

坡洪關石台關將軍劉鎮國踞險設伏以守敗之

晦日克遵義獲糧三萬餘石招降郭李愛等得兵

五千有奇象一五月十一日入貴州七月還遵義

督師大學士文安之等以水師襲重慶三桂還禦

之白文選以三桂之還遂自七星關進營生界窺

遵義十月

大兵三路俱集戒期入滇十一月十日三桂自遵義進兵

遵義府志

卷四十一 年紀三

十一

敗白文選於七星關時馬寶守可渡河文選敗寶

亦奔李定國遂以永明王入緬十六年正月三日

三桂遂入滇二月三日由滇西追永明王五月六

日准國公馬寶以眾四千餘人自瀾滄江外來降

由此遂臣服三桂

庭間錄

十四年

勅三桂為平西大將軍國翰

按國翰都統李國翰

為定西將軍進征貴

州十五年發漢中過保寧順慶至合州盡獲沿江

戰艦定國等據石壺關拒險三桂令騎行山麓步

陟巔以礮發其伏悉驚潰遂下遵義克開州國翰

卒三桂還駐遵義時經略大學士洪承疇寧遠大將軍宗室洛託由湖南進貴陽征南將軍卓布泰由廣西進都勻安遠大將軍信郡王多尼統禁旅至三桂馳會於平越府之楊老堡議三路出師三桂自遵義赴天生橋關聞文選據七星關遂繞出烏撒土司境進霑益州逆臣傳吳按陳志之固山額真侯墨李明吾譜序之李固山皆謂國翰也

十四年

上命承疇同寧南大將軍貝子洛託相機攻貴州十五年二

遵義府志

卷四十一 年紀三

十三

月疏言貴州地勢情形及三路進取雲南機宜四月抵貴陽城中文武官俱先遁

上命信郡王多尼爲安遠大將軍率師之貴州與四川貴州兵進攻雲南六月承疇疏言臣前有三路進取全局一疏冀不致兵眾擁集爭糧乏食及至貴州見各府州縣衛所僅畱空城卽有數百數千石米穀八旂兵陸續經過二三日輒罄盡惟省倉存米七千餘石稻穀四千餘石足供一月食用臣所從兵皆分布鎮遠偏橋興隆清平平越等處各自買米并尋野菜和米充饑投誠官兵暫駐三日卽收發

天柱會同黔陽等縣及沅州以就糧貴州山深地冷秋穫皆在九月臣遣官勸諭軍民土司苗民預納本年秋糧之半接濟滿洲兵月米令四川一路兵駐於遵義烏江休息有舊日運糧處廣西一路駐獨山州兵亦可就近購糧信郡王大兵自六月初旬自荊州進發所需口糧尤多數倍臣已檄沅州糧米速運鎮遠積貯令隨征各官分路採買令常德道府各官製備布口袋二萬餘并梭雲木架繩索解送鎮遠又于天柱石阡思南思州平越各府州縣衛所及土司苗人募夫役給工食逐站遞

遵義府志

卷四十一 年紀三

十四

詔赴平越會議信郡王由中路過關嶺鐵索橋抵雲南省計一千餘里解餉銀三月攜糧十五日運轍漢軍攜糧五十五日平西王吳三桂由遵義過七星關抵雲南省城計一千五百餘里先中路兵十日起行征南將軍卓布泰因南寧有賊難以兼顧議由貴州廣西邊界平浪永順興威透山出安隆所黃草垠羅平州抵雲南省城計千八百餘里先四川兵十五日起行武臣傳洪十五年春三月

大清兵三路入雲南由蜀人者自三坡取遵義由楚入者

自鎮遠抵黔由粵入者抵獨山州冬十月三路兵

俱集信郡王自北至會於楊老堡戒期入滇李定

國拒維公背圖侵貴州遣別將守七星關抵孫界

立營窺遵義以牽蜀師十二月

大清兵出遵義由水西取烏撒守將棄七星關走霑益

大清兵入安隆王鴻緒明史稿

十五年七月晉王李定國秉黃鉞出師令李承爵

出左路壁黃草坝祁三昇出中路壁雞公背曰友

選出右路壁遵義之孫界坝自三方告急屢促定

遵義府志

卷四十一

年紀三

十五

國師期輒云有待時初秋乃出兵先由中路出關

嶺後李承爵告急乃移師黃草坝久之踰石關營

於遮炎河祁三昇壁雞公背之絕頂糧少運艱士

不宿飽孫界坝孤懸滇蜀之表聲援不及識者俱

以為憂十月晉王有遮炎河之捷十二月晉王兵

敗於遮炎河於是雞公背孫界坝之師俱大潰無名

氏求野錄

十六年

按綏陽縣城中有是年孟冬所立觀音閣常住

燈田碑後書銜云

欽命平西王藩前挂定治將軍印右軍都督府左都督受封

榮祿大夫王明池

欽命平西王藩前興寧伯王興碑文有云自丙申秋至綏閣

今三載考庭聞錄載十五年六月二十三日以

七千餘人降者有興寧伯王興總兵王明池且

云時白文選以兵守七星關令興等還舊營於

是興等來歸據此當是永明遣李定國設官遵

土時即令興等守綏至文選令還駐舊營來歸

朝廷仍授原官歸三桂部下令守遵綏也

聖祖仁皇帝康熙元年總督李國英統師會勦餘寇川東平

遵義府志

卷四十一

年紀三

十六

是年逆藩偽知州金睿遷真安州治於古鳳山麓正安志

志

按志言逆藩非是時三桂尚未反

遵義府知府吳三元始設府屬關場二稅關稅八場稅十四所

定額報部遵郡紀事詳賦稅

按三元後曾受吳三桂偽官見川志

二年清丈田畝桐梓志

是年夏吳三桂遷移眷屬夫馬煩勞紳士有所不

免抬運至桐梓縣界交替有道路死者縣志

五年復奉行清丈田畝縣志

七年奉

採木遵義四川巡撫張德地至遵勸奏艱運罷之詳本

八年始建遵義桐梓綏陽仁懷四縣學詳學

十二年滇藩吳三桂謀逆陷蜀及遵桐梓

自十二年冬至十九年春吳逆殘寇據遵義逃兵

肆掠慘獨甚至二十年始恢復之陳志

十二年十一月二十一日吳三桂發兵反殺巡撫

朱國治以明年為周元年偽號昭武武功紀略

十二年十一月逆藩吳三桂有滇黔楚

蜀之地遷真安州治于德溪里之土坪正安志

遵義府志
卷四十一
年紀三
十七

十三年四川巡撫羅森提督鄭蛟麟總兵譚宏皆叛

降賊全川俱失武略

十三年逆藩吳三桂遣賊將王屏藩等分道陷四

川州縣兵躡遵桐桐梓

十四年吳逆散偽割各路煽誘基江志

十五年復遷真安州治於古鳳正安志

十五六年兩年俱勦辦吳逆戎務倥傯

十七年八月吳三桂死於衡州基江志

十八年吳逆孫世璠僭元宏化於雲南其偽國公馬

寶據遵義

十七年八月三桂死寶與賊黨擁立其孽孫世璠

十八年五月簡親王喇布給益陽知縣徐撫參議

道銜齎詔招撫寶殺之十月

上降勅諭寶曰爾等本係吳三桂藩下人三桂反叛爾等率

黨抗拒大兵或非本懷若爾悔罪歸誠前罪悉赦仍論功

敘錄標下將士概從寬宥酌量加恩爾其盡釋疑衷勉圖

後効寶抗拒如故大兵復湖南廣西寶遁貴州據遵義提

督周卜世破之寶棄城走逆臣傳

按世璠以十九年東行駐貴州其年遣其偽編

修徐元祚以偽勅至遵義封其偽太傅馬寶豫

遵義府志
卷四十一
年紀三
十八

國公考庭聞錄十八年六月

大兵敗吳世琮於新村山吳國貴死於黎平雙井鋪時賊

營山上國貴將中軍馬寶王緒分列左右王緒

飛砲中額死據此則其時寶在黎平而與寶偽

勅在十九年三月是寶至遵義當在十八年冬

間寶有謝表以十九年七月上而庭聞錄又云

寶自遵義走尋甸云云又云二十年七月擒馬

寶陳志言恢復遵義在二十年與東華錄合是寶棄

遵義當以二書為得寶在遵據今副將署為公

府

十九年吳逆餘黨譚宏等再亂全川震動

江

按東華錄十九年九月將軍吳丹還瀘州十月仁懷失守罷將軍吳丹以鄂克濟哈領其眾意此時仁懷先復而復失也

二十年三月提督周卜世復遵義府馬寶棄城走

錄

是年收復雲貴餘孽盡平冬間凱旋師過遵

陳志

十七年吳三桂死于衡州十八年以固山貝子章泰爲定遠平寇大將軍十九年十月大破賊三桂孫世璠自貴陽棄城走雲南貴州平二十年二月

遵義府志

卷四十一

年紀三

九

與廣西兵會攻雲南大敗之賊將馬寶糾眾萬餘自遵義來援五月遣都統希福等大破之召合寶亡走

彭紹升
測海集

今遵義鄭場五龍寺一劍一繡袍傳爲吳逆僞國公馬三寶物三寶卽寶字成璧秦人因斃命下獄與獄中巨盜同逸出爲盜爲人反覆故又號兩張皮狡黠善戰人羨其勇唐初有驍將馬三寶者遂以此名呼寶劍袍蓋其據遵時所留也

綴採

吳逆之變其黨有吳之茂胡國柱王屏藩等授總督等僞職而四川布政吳一元提督鄭蛟麟等俱

爲之用基通雲貴故康熙十七八年間或奉僞號鋪戶門牌往往兩面應役

是年奉

命採木遵義松茂道王騰入

覲奏罷之

詳本

二十五年清丈田畝

二十六年裁各府軍民字

冊

按自明平播設遵義平越二軍民府至是奉裁軍民二字今府儒學印頒易自乾隆十六年五月文尙云遵義軍民府儒學印乃鑄印局誤依

遵義府志

卷四十一

年紀三

十

舊文爲之不得據謂裁軍民字在後

三十年丈田增賦

三十一年丈田畢各甲造清冊投遞戶房又索各

甲雇人清算寫冊供費甚累秋征仍照老畝加派每畝外加二十畝徵收據云一畝需銀一兩四五錢有至二兩者當時銀甚艱難是以逃糧者多

以明遵義知縣王佐聖入名宦祠

懷忠

四十三年知府王元弼詳請遵義府專設考棚咨部

報准

遵郡
紀事

按先是府屬生童歲科試皆就重慶府棚至是

專設試者始免跋涉之苦文教益盛詳在學志

五十二年

命內大臣賞全蜀兵

李先立康公德政碑云我

皇上御極五十二年參養制兵不惜數十萬之金錢茲逢

六旬大慶更惓惓不已發帑金以大資天下

分命大元帥康公同內大臣頒賞全蜀窮鄉僻壤額設

之地車轍馬迹遍親歷焉十月之朔八日按臨

義歡聲動地竹馬如迎我康公慈祥愷悌樂易雍

遵義府志

卷四十一

三

容輕騎減從不累檢閱之餘教戒周詳隨材

獎勵其撫愛士卒之至意真不啻家人父子之親

夫以康公同

天使宣亘古未遇之恩膏諸士卒觀亘古未有之盛事且其

頌康公推愛之深仁爰勒石以紀盛石刻在府治東鳳朝閣外

按康公名貫未詳

世宗憲皇帝雍正二年改真安州為正安州以恭避

世宗廟諱下一字偏傍

五年以四川遵義府一州四縣隸貴州正安

勸民自首田畝並行清丈桐梓

七年丈田丁條糧合併積算以歸畫一桐梓

高宗純皇帝乾隆四年移建仁懷縣城於亭子垵

以舊縣城去府遠中間別無州縣控制乃建新城

於距府百八十里之亭子垵移知縣駐之移府通

判駐舊城分仁懷所屬十里中之仁懷土城河西

三里轄焉桐梓

二十五年請帑修建府城

二十七年修桐梓縣城

三十五年桐梓知縣胡守業以苛斂致縣生員李苑

鳳等聚眾生事皆論死

是年桐梓大旱斗米千錢時值金川用兵知縣胡

守業同邑紳楊某蘇某科派軍需一月一派刻士

民公議戮朋比為奸邑民苦不能支有舉人楊正

林會試歸與庠生李苑鳳蔡天爵蕭志學等言在

外親見瞻黃

聖恩寬大如遇歲歉地方官即據實詳報請免徵糧並開局

施賑今吾邑之害乃汚吏及劣紳所為非

皇上意也苑鳳等因約同李芳龍李芳虎令狐子聽王仕錫

趙式碧趙毓龍趙毓虎趙毓雄江仕龍李文安段

管等共二十四人為首製黃旗書難民二大字

列二十四人名目集眾千餘在邑之葫蘆塢飛旗廟結盟祀神一面斂金一面舉苑鳳天爵志學三人赴京部控議以候部控歸齊赴省鳴冤苑鳳等去至山東以事羈留芳龍等在家見苛政愈出因激變率眾入城打蘇楊二姓房屋牽其妻孥跳入市闔以辱之隨打入各官署劈枷放犯文武官當即通報葫蘆塢一帶奸民造反圍城三日乞救各大憲帶兵至桐副將某在關帝廟祭刀出兵甫至山門天忽雨雹昏黑如晦因未往剿後

欽差侍郎錢維城來至婁山關一路鋪民貿易如故芳龍等

遵義府志

卷四十一

年紀三

三

二十餘人方跪接呈訴錢公知非叛逆乃下令不許擅殺平民只照旗上有名之人喚至官渡河訊供得悉京控苑鳳等三名年貌繪圖通行緝拿蕭蔡二人在東已獲苑鳳逃至四川江津縣旋被獲苑鳳少年美才情辭激烈錢公偕各官反覆訊得激變之由誓以一官抵一民隨將苑鳳等二十四人解省除李文安開釋外皆斬之激民變之官吏亦斬絞是役也株累綦慘有平民被指為叛黨而自縊者有婦女被兵役擄不屈而死者附錄

乾隆五十九年九月平老鴉窩私鑄銀錢賊

曾石保者洞寨接壤之奸民也弟兄四人肆行鄉曲居平虐猛竄盜稍觸其怒或白晝殺人官不能窮究乾隆五十一年間因彼地界連黔蜀山林幽阻潛引黔西大定諸不逞輩鼓鑄私錢於時人數無多捕之則徙其窟或以賄免後遂藐玩至五十七八年招集至數千人就桐界老鴉窩設立爐房數百晝夜傾鑄烟火連霄立曾石保為外掌櫃劉榮厚綽號白溫為內掌櫃張仲何綽號飛等又四五人為外當事飲血結盟廠內最高處曰香堂供關帝像刑具旁列架上插五色旗旗各有頭目

遵義府志

卷四十一

年紀三

三

管領每初二十六放炮點齊人眾戈矛林立繞廠凡數週其所鑄錢通行渝瀘各岸沿途稍有齟齬即點人蟻附去如興問罪師必得直而返惟不欺附近居民法甚嚴肅以米鹽竹木所取資也廠有列肆貨賄之屬無不有諸少年輕身便體絲履鮮衣者無慮數十百人郡邑胥徒間有通盟好者最喜博遠方之人如有所負輒拘囚非贖取不得釋官長稍稍聞之飭差密拏則掩其爐熄其火謂已鳥獸散其習慣如此乾隆五十九年七月巴縣界石場民有蔣文維周登才者挾賈往貿易嗜賭

去大爲惡輩所苦欲呈首巴縣適巴令淡士顯已偵知一應不法情形與知府趙秉淵通行密稟時福中堂康安總制全蜀風節凜然一面飛檄黔省諸官吏一面札渝城密派兵將先遣遊擊李發先銜枚疾走夜由綦城外經過總鎮袁國璜由跳石河路七月二十九日抵老鴉窩賊等謂往常收智耳權伏林莽尙有守錢不去者嗣見兵絡繹馳至彌布山谷有三軍司命字黔兵亦飛旗迭至始大駭時部曲已散呼應不靈各各奔逃惟曾石保率多人拒捕官兵奮勇直前賊披靡連夜招集散亡

遵義府志

卷四十一

年紀三

三

屯聚白雲寺居然結陣袁總鎮用過山鳥不應賊逼前再勢轟鳴傷斃多賊兩省兵呼哨交馳聲震動諸鄉勇亦分頭堵截除格殺外當擒獲二百九十餘人獨渠魁逸去數日於劉家河擒獲劉榮厚又數日擒獲張仲何惟曾石保不可得官兵鄉勇密密排布自青山瀛山青羊市諸邨落無不窮搜人心惶惶直至九月中旬始於扶歡坦峽口大風埡將曾石保兄弟擒獲已餓數日也罪人已得將一應草棚爐竈錢模砂板等項悉行燒燬起出私錢並未鑄小錢無數着黔省先撤兵去俾囚繫累

由綦解渝皆焦黑藍縷爛爐打炭之夫從前之紉袴乘馬者通無有矣適按察司林儒由大寧解邪匪至渝九月二十二日各府道會同研審曾石保劉榮厚親供確鑿所爲諸不法情真罪當恭請王命押赴市曹斬決傳首兩界懸示餘犯川黔楚豫無不有人而以黔西畢節爲多除現拿獲外有中路捉轉者有逃至家越宿拿至者按律軍流發遣有差惟桐梓縣知縣范崑以舉人蒞事數月曾石保家有品鎮川黔扁署崑銜鈐印蓋匪等通蠹役所爲者拿問革職其人循循儒素與史杜名超亦革職自此遂無私鑄者而逞兇不法之徒亦從此絕

遵義府志

卷四十一

年紀三

三

職自此遂無私鑄者而逞兇不法之徒亦從此絕

櫻桃窩去老鴉窩二十里苗民積居草屋數十家藉種地養賊遠近肆行偷竊民間牲畜什物雖事主追至眼見而莫如何大爲一方害當官兵燬錢爐時鄉勇中有點者謂此窩亦私鑄巢穴遂羣趨之前者試焚一屋官弁傳呼勿燒平民焚者故誤傳令於是火四起呼之愈急燒之愈速人聲喧闐語不可曉亦不辨誰何頃如灰燼諸苗男婦荒荒竄去盜從此絕跡土人語曰炮打白雲寺帶累櫻

桃高

嘉慶十一年平仁懷縣牛欄溝結匪

綦之西南二百餘里與桐梓江津合江接界曰牛欄溝地實屬仁懷縣四面懸崖林深箐密上有平土三層可種山糧二百餘石嘉慶八年仁邑民袁廷瑛與族袁伯王自其祖父爭界不休至廷瑛受產後隙益深遂邀集苗民羅把士等多人盤踞其上以壯聲勢日久弗散廷瑛勢無以支遂給籽種為久遠計苗以類相招絡繹而至數幾盈千愈難酬給即依崖立上中下三賊營各有頭目晝夜下

遵義府志

卷四十一

年紀三

三

山分路剽掠遠近牲畜牛馬被擄者甚眾莫敢誰何行旅亦為戒嚴又於山上設立重樓卡子並滾木礮石備官兵勦捕黔中大吏風聞已久未悉虛實罔有先發其事者候補知縣張九穀署綦聞之駭異十一年正月通密札於仁懷令崔本謂宜相機無貽養癰患時崔被別案牽連赴省典史王光祖覆書言已致函崔令俟其回再行協辦乃二月接崔手函謂蠢茲小醜烏用張皇且待鴟張之時再為舉動復稱川省歲旱仁邑土廣民稀竄入者半係蜀人詞大與張齟齬不得已叠致同知輔車

遵義府志

卷四十一

年紀三

三

之義勸其會哨溫水與桐津諸縣協理崔仍坦不介意賊猖獗愈甚會仁邑民與袁伯王糾眾齊團放炮擊賊反自斃一人張恐竄逸綦界或致繹騷乃專差防堵更令實訪人數並晝夜作何事並密以聞遂通稟於勒制府及司道各憲重慶知府王用儀為移文遵義知府趙遵律飭仁懷縣帶領官兵約三月初二日會哨溫水先懸示各處賊猶怙惡及見大兵雲集始知驚懼張喝令嚴拿並拆毀其重樓營卡兵差分應當捕獲羅把士張二王穆麻子等三十餘人一一就縛時遠近被害久見張為除害無不人人欣躍致牛酒凡張上下爭為扶昇肩輿如蟻之附且同聲呼張青天者三響應山谷觀者無不色動平定後案歸仁懷辦結崔徹底審究始悉廷瑛伯王為爭界幾釀巨禍按律將廷瑛等充發界歸欵而賊黨遂平

綦江

二十年三月十六日川匪數百人竄入遵義副將恆安督兵民截緝追渡烏江至養龍司擒數十人餘賊潰散雲貴總督伯麟貴州巡撫曾燠開單具奏黔省緝捕川匪出力人員十月十三日奉

上諭伯麟等奏明緝捕川省匪賊出力人員據實保奏一摺

本年三月川省匪徒劉大五等竄入黔界糾眾搶劫黔省文武官員聞信後卽帶領兵役拿獲五十餘犯使匪徒不能沿途勾結緝捕甚爲認真當經降旨令該督撫查明出力人員據實保奏茲據伯麟等查明開單具奏其首先覺察帶練往捕之知縣項邦枚着以知州陞用分帶兵練獲犯多名之副將恆安着交軍機處記名知州李璣守備鄭起發千總張鳳翰吏目孫苞俱着加一級紀錄二次協同緝捕之知州彭大偉知縣嚴昌鈺府經歷楊德峻守備陳元龍把總於仕侃劉建勳俱着加一級以示獎勵該部知道欽此

遵義府志

卷四十一 年紀三

三

道光九年川匪韋紹淵等擾正安州署知州陳五色悉擒之送四川總督問擬

四川總督奏爲訊明定擬仰祈

聖鑒事竊照四川南川縣匪犯羅聲甫傳習邪教糾眾滋事經川省文武督率兵勇殲擒撲滅訊據所獲各犯供稱其教係羅聲甫與韋紹淵在雲南開化地方拜從陶月三所學用清水一碗焚燒檀香畫符念咒吃水之人卽有神附體自能舞弄拳棒等情

奏奉

諭旨飭令臣等派委委員前往陶月三一犯嚴拿到案

說明是否另有邪術惑眾情事據實具奏等因欽此當

查南川縣匪犯滋事因界連黔省邊境恐被竄擾先經貴州撫臣嵩溥飭委臬司何金前赴查辦卽據正安州截獲韋紹淵等犯究出所習之教係未獲之韋紹淵傳授韋紹淵又學自陶月三咨滇查緝業經臣伊里布派委寶寧縣知縣周誦芬協同該處文武在於開化府屬安平廳邊境落水洞地方將陶月三及其妻子談法拿獲解省查無不法字跡供認以符水傳教屬實且開化亦有傳習之人隨經臣等據供追緝夥黨一面將拿獲該犯陶

遵義府志

卷四十一 年紀三

三

月三緣由先行覆奏在案茲據將習教夥犯韋洪周章藻能盛維義等名先後獲解到省飭發員雲南府知府馬毓林武定直隸州知州施道生候補知州劉德銓逐一審明由藩臬兩司詳解前來臣等率同司道親加嚴鞫緣陶月三卽陶泰月籍隸四川南川縣於嘉慶十七年春間在貴州接壤之正安地方貿易患病遇正安民人李添成因與交好李添成告以能用符水治病止用清水一碗焚燒檀香口中念咒以手指在水碗上畫符三道頭二道符水吃之可以治病治癒第三道符水吃下

卽有神附體自能舞弄拳棒名爲少林神打男婦皆可學習陶月三聽信請其如法治病果有效驗隨拜李添成爲師李添成授以符咒并告以伊曾傳過李源音李添成旋亦身故陶月三在正安妻舅張沅著家因爲張沅著治病曾將符咒傳此張沅著十八年陶月三因聞雲南開化山地寬廣四川人流寓者多卽帶同妻子至開化安平廳落水洞地方種地度日未將符水傳授與人亦無人知其能會符水之事至道光七年陶月三因將墾種田地賣盡家貧起意將前學符水傳徒交結藉此

因楊老七不能畫符傳習未成未給謝錢又章洪周將符水轉傳與其子章藻能并已獲之張中愚及未獲之章登高馮成涼等內張中愚不能畫符傳習未成未給謝錢餘皆每人給錢數百文後章洪周又誘令已獲之馬雄鼎習教代人醫病取利馬雄鼎亦聽信從習謝給錢文嗣因治病無驗被人斥辱悔未再習又章藻能亦將符水轉傳與已獲之章才廣未獲之章才華已故之尹老二等各給謝錢文又盛維義轉傳與已獲之謝沆志梁淙成並尹老三轉傳與已獲之劉遠福章才廣轉傳與已獲之章槐湘章才華轉傳與已獲之胡金雲均因未能畫符傳習未成又章登高轉傳與已故之章老二章藻俊至八年七月間有南川縣民章紹閑因販碗前赴開化與陶月三熟識聞知陶月三有一碗水教求向學習陶月三應允卽將符咒傳授章紹閑給謝錢千文章紹閑因所傳之教雖好惟滇省開化地方瘠苦信服人少且開化安平等處查拿趙應龍王士林等案叛逆要犯嚴緊若傳人眾多必被獲破勸令陶月三與伊回至四川南川縣傳徒斂錢如斂錢無多可以糾眾搶掠倘

被官兵查拿難以抵敵即逃赴越南小朝地方藏
躲陶月三以搶掠滋事係屬冒險不允偕歸韋紹
閑即自行回籍並據陶月三又供羅聲甫未經與
韋紹閑同到開化迨後韋紹閑回南川或係途遇
羅聲甫同回至韋紹閑如何又教傳與羅聲甫又
復互傳多人抑或南川滋事之人另得李添成李
源音等傳授是以教名錯雜不一盡出於韋紹閑
所傳陶月三遠在開化均未知悉臣等查陶月三
所習符咒半係鄙俚不經請降邪神之語因用水
一碗燒香畫符念咒即取名爲一碗水教此外並

遵義府志

卷四十一

年紀三

三

無另有邪術惟該犯既起意取立教名傳徒斂錢
恐被惑之人尙多別有不法情事或與逆匪趙應
龍李應川等犯聲息相通密爲勾結當卽加以刑
訊堅供實係先傳與伊子陶澍子及韋洪周等人
繼又傳與韋紹閑其陶澍子等轉傳亦供止楊老
八等十數人並無婦女學習韋紹閑因滇省查緝
匪犯嚴緊慮破獲回至四川滋事陶月三委不同
謀亦無別項不法及與趙應龍等勾串爲逆情事
究詰不移案無遁飾查律載傳習白陽白蓮八卦
等邪教習念荒誕不經咒語拜師傳徒惑眾者擬

絞立決爲從年未逾六十及雖逾六十而有傳徒
情事俱改發回城給大小伯克及力能管束之回
子爲奴被誘學習尙未傳徒改發雲貴兩廣極邊
烟瘴地方充軍等語此案陶月三傳習不經符咒
倡名爲一碗水教傳徒斂錢川民韋紹閑習教回
歸惑眾滋事其于韋紹閑勸令同回告以傳惑糾
眾如被查拿卽逃往小朝藏躲之語雖未允從回
川入夥亦與明知謀叛不首無異第知謀叛不首
罪止擬流自應照傳教例從重問擬陶月三犯合
依傳習白陽等邪教習念荒誕不經咒語拜師傳

遵義府志

卷四十一

年紀三

三

徒惑眾爲首例擬絞立決陶澍子韋洪周章藻能
盛維義章才廣等五犯習教已成輾轉傳徒均年
未六十應依爲從例俱發回城給大小伯克及力
能管束之回子爲奴楊老八馬雄鼎雖經習教係
被哄誘後因治病無效均已悔不再習亦未傳徒
情未可原自應原照問擬應將楊老八馬雄鼎照
被誘學習尙未傳徒發極邊烟瘴充軍例俱發兩
廣極邊烟瘴充軍發配折責安置張有祥楊老七
張中愚謝兆志劉遠福梁淙成章槐湘胡金雲等
八犯因不能畫符均學習未成與習教已成有間